



民國佛教期刊文獻集成

任繼愈題



民國佛教期刊文獻集成

任繼愈題圖

第22卷



弘法刊

全國圖書館文獻縮微復制中心

甯波觀宗寺

弘法社刊



208

第十期

中華民國二十一年

佛歷二千九百五十九年

國歷九月出版

般若與彌陀相成不相悖

諦公遺著

佛說般若心經。無非顯示吾人本源心性。佛說彌陀淨土。亦無非顯示本源心性。心性不可得。故經云。照見五蘊皆空。無色無受想行識。無六根。無十二處。無十八界。無四諦。無十二因緣。無六波羅密。無智亦無得。心性歷歷明明。故經云。從是西方過十萬億佛土。有世界。名曰極樂。其土有佛。號阿彌陀。今現在說法。乃至依正莊嚴。皆悉不無。故知般若者。顯自性之真空也。淨土者。顯自性之妙有也。而真空不空。妙有非有。妙有非有。色即是空也。真空不空。空即是色也。色即空。色非色。空即色。空非空。非空非色。即色即空。乃顯示本源心性之中道第一義諦也。從第一義。流出真空。真諦理也。流出妙有。俗諦理也。真俗不二。中諦理也。夫三諦者。天然之性德也。佛依三諦理。而說種種法門。是故種種法門。無非顯三諦理也。依真諦理。而說般若心經。依俗諦理。而說彌陀淨土。故知般若心經。與阿彌陀經。分言之。一示真空。一示妙有。合言之。真空即妙有。妙有即真空。本相成而不相悖。具眼者。自必知之矣。

弘法研究社編發

本社於國曆九月一號(卽古曆

八月初一日)起

寶主講法師開講

天台四教儀集註

每日午後一時開講

逢四例假日停講休息

天台四教儀集註輯台宗三大部之要綱

爲一大藏教之引鑰故凡有志學佛研教

者當於斯盡心而研聽之

觀宗弘法研究學社謹啟

本社啟事一

本社前所編發社刊去春已至第十八期後因編者入滇宏經致暫停刊然在滇亦曾發弘法特刊在港發香港佛化刊皆所以繼斯刊今編者仍返觀宗主持一切乃復續編本刊第十九期希此後各處縉素善信力爲贊助當可連續無間但編者事務紛繁於繁忙中發刊不無錯誤缺憾良多尙祈閱者諒之

本社啟事二

本社爲謀闢佛法編發斯刊分送海內外諸學佛者以資觀摩完全贈閱不收報費尙希閱本刊者善爲保存尊重佛化展轉流通或自己不暇轉贈他人萬勿拋棄致干褻慢之咎

本社啟事三

本社發刊專爲弘化起見無其他作用想早爲閱讀者所洞悉知見純正立言穩實亦爲各界所贊許此後如蒙諸佛學界賜稿但求不悖佛理不事攻訐如實而說足以感化人心者均所歡迎

弘法社刊第十九期目錄

刊頭 般若與心經相同不相悖

照相 諦公老法師遺像
諦公老法師之塔

題詞 廣東中山大學校長鄧魯先生
上海王一亭居士
寧波防守司令王皞南先生
鄞縣縣長陳寶麟先生

行狀 諦公老法師行狀

法論

學佛論……………諦老法師
教觀總持論……………籍因則明
發展本社之我談……………鶴林
佛教之根本辦法……………指南
唯夢談……………倏虛

遺著

目錄

第十九期

止觀大意……………湛然尊者

專載

摩訶止觀述記……………寶靜

釋大乘起信論講義……………寶靜法師講學者通懷錄

特件

寶靜法師主席觀宗東請各界證明帖……………諦閑

舉行陞座典禮各法語……………寶靜

寶靜法師接住觀宗寺記畧……………錄寧波報

各界贈寶主席題詞詩章及聯語……………鏡空錄

傳記

陳古逸先生傳……………孫樂

范古農先生傳……………朱士登

德貞居士生西記……………顧滿

葉久誠居士生西事略……………葉照空

福田大師傳……………光林

研究

一

觀宗弘法社刊 第十九期

印度哲學.....黃健六

說 叢

寂照樓說.....孫樂

喜慶戒殺不食血肉說.....張學智

出家因緣及來社旨趣（六篇）.....正安等

寶公主講主席觀宗之感想（四篇）.....鏡空等

釋觀宗宏法研究學社名義.....惟度

讀瑞士憲法第二十五條以後.....張國威

文 苑

香海念佛蓮社緣起.....寶靜

香海佛化刊發刊詞.....寶靜

雲南弘法特刊發刊詞一.....寶靜

弘法特刊發刊詞二.....陳古逸

弘法特刊祝詞.....由雲龍

皖垣佛學研究社緣起.....黃健六

鄭口佛教居士林緣起.....楊心泉

慕建瑞安仙巖寺放生池啟.....顯壽

哈爾濱極樂寺同戒錄序.....張久楷

慧德齋銘.....余心選

滇垣屠

勸善吟

佛學

蓮樓

錄江

各處致

寶法師復中國佛教會函（附來函）

諦老法師示復常堂主函（附請開示書）

附 錄

觀宗弘法研究社簡章

香海念佛蓮社簡章

皖垣佛學研究社簡章

七塔報恩佛學院章程

鄭口佛教居士林簡章

河南佛學院簡章

勸募印送諸公講錄緣起并助印簡則


張菊生先生惠贈



像遺師法老公歸



塔之師法老公諦



弘法社刊

種諸善根

王震敬題



三界唯心
萬法唯識

都魯



弘法社刊

同登彼岸

王皞南題



佛正為入世渡人所以出世
修己修己以安人天下之達
道弘法即所以弘道儒釋
初無二致也

中華民國二十一年夏釋寶靜主寧波之
觀宗寺寺有弘法學社亦為師所組織
今又發刊物以永法諸用題數字以誌其
端

河北東光陳寶麟題



傳持天台教觀第四十三祖中興四明觀宗寺諦公

老法師行狀

師諱上。古下。虛。字諦閑。號卓三。浙江黃巖縣人。朱氏第三子。父度潤。母王氏。皆早故。喪葬如禮。幼具夙慧。嘗從舅氏佐理藥業。旁習岐黃。未幾即悟藥但醫病。不能醫命之理。飄然有出塵想。清光緒三年。時才二十歲耳。遂發願遁入臨海縣白雲山。就成道祖薙髮。而兄不之許。迫令還家。鬱鬱不得志。越二歲。兄歿。始受具於天台國清寺。由是冬參夏學。精進不已。親炙敏曦曉柔大海妙理諸耆宿。尤以敏曦法師。最爲相得。曾列法華講筵。未及終卷。已領一心三觀。一境三諦之妙旨。覆講小座。同列震驚。敏公歎爲法門龍象。年二十八歲。遂陞大座於古杭六通寺。演講妙法蓮華經。至方便品。開佛知見時。忽焉深入禪定。默不一言。繼而出定。辯才無礙。答難析疑。如瓶瀉千里。雲疊萬重。卷舒自在。莫之能禦。而畢生精血。亦自此耗矣。師以代佛宏揚。引爲己責。深慮慧多定少。難免障道。乃於是年講畢。先掩關於慈谿聖果菴。潛心精研諸大乘經。爲師一生教在法華。行在楞嚴之本。三年出關。受上海龍華寺請。

再講法華。期滿。復往金山參究。旋回國清寺禪觀。咸有省悟。造詣彌深。繼由迹端融祖。授記付法。傳持天台教觀第四十三世。光緒二十五年。又掩關於溫州頭陀山妙智寺。年四十二。第二度出關。法緣由是成熟。若夫行持則日誦普賢行願品。金剛經。圓覺經。觀經之餘。必念佛萬數千聲。以爲常課。每逢朔望。加誦梵網經菩薩大戒。未嘗稍閒。又打生死佛七數次。尅期取證。參拜舍利百二十日。禮佛塔八萬四千。爲了脫之備。此師之真參實究。篤於自行也。至宏法利生。乃師之誓願。自二十八歲。迄七十五歲。凡四十八年。百數十會。約部則有法華。楞嚴。彌陀。梵網。圓覺。仁王般若。金剛般若。觀無量壽佛。普賢行願品。孟蘭盆諸經。摩訶止觀。法華玄義。大乘止觀。寶王三昧。始終心要。十不二門。教觀綱宗。四教儀集註。淨土十要。相宗八要諸論。以及水懺。梁皇諸懺法。澈悟省菴諸語錄。約處則有浙江之杭州。紹興。永嘉。台州。寧波。嘉興。江蘇之上海。南京。蘇州。無錫。揚州。如皋。安徽之蕪湖。直隸之北京。山東之青島。以及關外大連哈爾濱各地。而學校之專門教授。會社之臨時講演。不與焉。師以妙悟圓音。婆心苦口。闡發山家秘要。指示緇素邪迷。開合廣而不離乎宗。警策多而不覺其盡。塵說剎說熾然說。而會其旨歸。說說無說。心法佛法衆生法而窮夫底蘊。法法皆法。故每講必

歡躍滿座。既聞即勇猛不退。不但晚近希有。四明之後。蓋第一人。也。師大悲心切。又恐攝機未徧。更不憚煩。由口而筆。自撰則有大佛頂首楞嚴序指味疏。圓覺經講義。普賢行願品輯要疏。金剛經新疏。觀經疏鈔演義。始終心要略解。普門品講義。二玄略本。念佛三昧寶王論義疏。八識規矩頌講義。水懺申義疏。弟子結集則有圓覺經講義親聞記。大乘止觀述記。教觀綱宗講錄。皇懺隨聞錄。始終心要解略鈔。十大願王講義。發菩提心文講義錄要諸作。而序跋倡聯。函牘簡札之散見各篇者。尤指不勝屈。縱或陳義太高。難期雅俗共賞。然樸實無華。全是布帛粟菽。圓融有味。莫非酥酪醍醐。或一塵不著。雖終身受用而靡窮。或萬行具彰。欲絲毫作爲而不得。誠了義之了義。圓乘之圓乘。論者讚爲藕益復生。豈虛語哉。此師之憑肝吐膽。勇於化他也。師於世間名聞利養。淡焉若忘。而心佛之心。言佛之言。行佛之行。苟有所感。幾幾無一不應。本不願爲住持也。然光緒十六年。師年三十三。因迎養被剝。師入山退隱。首住持於慈西師子菴。光緒二十八年。師年四十二。因法兄授公囑託。重起弘規。二度住持於永嘉頭陀寺。翌歲爲請龍藏。奉旨傳戒。年五十三。受式師請。三度住持於紹興戒珠寺。復兼上海龍華寺住持。民國紀元。師年五十四。受鄞縣知事沈公之延請。固

辭不獲。最後住持於寧波觀宗寺。爲中興之始祖。蓋觀宗寺。原乃延慶寺之觀堂舊址。創設於宋元豐中。四明五世孫介然法師。按照觀無量壽佛經修觀行法。於延慶寺東北隅隙地。架屋六十餘楹。中有寶閣。環以十六觀室。命名爲十六觀堂。旣而興廢靡常。至清乾嘉間。重修殿宇。增建僧寮。方獨立門庭。別設方丈。無如僧侶徒鶩。應殿堂漸就荒蕪。四明道場。不絕如縷。自 師受任住持。仰體四明大師遺意。以三觀爲宗。說法爲用。改稱觀宗講寺。募集鉅金。重建大雄寶殿。天王殿。及念佛參禪藏經諸堂閣。嚴訂規約。利益十方。由是規模煥然。蔚爲東南名刹。 師又不願結納權要以玷道行也。然民國四年。日人訂約。要求加入傳教。自山一條。時前大總統袁。爲地方民教計。不允所請。僉議自興佛教。先從畿輔。創立第一大乘講習會。舉 師爲主講。飛電敦促。 師時年五十有八。垂垂老矣。爲維護國權。發揚大法。振錫北上。開演楞嚴。自名公巨卿。各國公使。蒙藏喇嘛。以及都人信善。莫不歡躍赴會。爭先恐後。無慮數十萬指。頌禱之聲。震動天地。內務部長朱公。擬訂寺廟管理條例。悉以咨 師而行。前大總統袁黎二公。先後頒題宏闡南宗。闡揚台宗匾額二方。飭地方官。敬謹懸之寺中。以誌景仰。誠大化東流。數千年來。未有之盛事也。尤可特書者。籌備帝制。舉國風靡。 師

具慧眼。但云僧人惟知奉持佛法。不知有君主民主。超然象外。迄未嘗以當局眷注之隆。一言勸進。是足證我師定慧之宏深。非趨炎附勢。隨波逐流者。所能望其肩背也。民國十年秋。浙江省督軍盧公。省長張公。坐鎮東南。目擊時局陵夷。人心日下。仰師道德學問。再三敦請。爲講仁王護國般若經於海潮寺。軍政長官。地方紳耆。莫不爭趨法席。肅聆圓音。莊嚴恭敬。無美勿具。亦末劫空前絕後之大法會也。歐風東漸。學校如林。大都競異立奇。灌輸知識。故其結果。無非推翻禮教。蔑棄綱常。權衡利害。得不償失。從未有專門指授最上乘之佛學。以掃蕩外道。演暢宗風者。我師憫物應機。毅然負荷。初於清宣統二年。就南京僧師範學校監督。招集各省英俊篤實之僧徒。分班講解。開我國佛教史中亘古未有之新紀元。未幾光復軍興。不得已而中止。迨住持觀宗。設研究社。爲本寺常年習教之所。民國八年。受勸若木。葉舉。虎二居士請。增設觀宗學舍。自任主講。網羅具有根柢之高材僧衆。授以台宗大小諸部。爲全國寺院。造就法師之地。十七年合併。改爲宏法研究學社。維持至今。經費雖絀。規制亦簡。然我國南北各行省。振鐸豎拂。宏宗演教。得以續述墜緒。闡發妙玄者。如倏虛。常惺。戒蓮。禪定。可端。根慧。妙真。授松。諸法師。皆學社學員。受師之法乳也。雖然。教網張矣。而